

Reguli Antimonii triti, uncias duas.

Liquefiat Regulus in crucibulo. Tum injice Stannum. Materiam liquatam statim effunde in conum fusorium, sebo litum, ut abeat in Regulum.

Regulus veneris.

Rx. Cupri purissimi, vulgo }
 DE ROSETTE, } ana uncias tres.
 Reguli Antimonii triti, }

Cuprum in frustula divisum excandescat in crucibulo: tum injice Regulum. Materiam liquatam effunde in conum fusorium, sebo litum, ut abeat in Regulum.

CALCES ET CALCIFORMIA.

Alumen ustum.

Vide ALUMINIS USTIO, pag. 10.

Plumbum ustum, seu calx plumbi.

Vide. CALCINATIO PLUMBI, pag. 10.

Cerussa & plumbum calcinatum album.

Rx. Saturni in tenues lamellas redacti, quantum volueris.

Suspende ad perpendicularum intra vas fictile vitratum, in cujus fundo fuerit acetum acerrimum fervens, ita ut hujus vapore solummodo madeant. Oburato vase digerantur in fimo equino per tres septimanas. Plumbum pulvere albo efflorescet. Pulve-

rem a lamellis abrade, qui erit vera Cerussa. Processum repete, si lubet; si vero omiſſa abrasione lamellæ penitus calcinatæ fuerint, ita ut albæ omnino remaneant & fragiles, tunc habebis Saturnum calcinatum album.

Antimonium diaphoreticum.

R. Reguli Antimonii, partem unam.

Nitri purissimi, partes duas.

Pulverata misce. Cochlearim injice in crucibulum candens, singulis visibus detonent. Peracta omni detonatione augeatur ignis per duas circiter horas. Iis elapsis auferatur massa alba adhuc calens. Refrigerata tundatur in pulverem edulcorandum aquæ frigidæ lotionibus pluries repetitis donec aqua nullo sapore imbuatur.

Nota quod Massa alba servari quoque potest in vase vitreo accurate clauso, absque lotionem, & erit
DIAPHORETICUM MINERALE NON LOTUM.

Antihæcticum Poterii.

R. Reguli Antimonii Mar-
tialis, } ana unciam unam.

Stanni Anglicani,

Liquefiant simul in crucibulo. Refrigerata comminue in pulverem tenuem. Adde Nitri purissimi,
uncias sex.

Simul contrita detonent in crucibulo per vices, & calcinentur ut in Antimonio Diaphoretico factum est. Materiem calcinatione ex cinereo albescentem projice in aquam calentem, post sex horas renovandam. Repete lotiones dum aqua insipida supersit. Exsiccatum pulverem serva ad usum.

Bezoardicum minerale.

Rx. Butyri Antimonii rectificati, uncias duas.

Affunde Spiritus Nitri optimi, uncias sex, vel sufficientem quantitatem, ut cesset effervescencia. Ternis cohobiis distilla. Calcina materiam per semihoram. Aqua ablue, sicca, & serva ad usum.

Magnesia alba.

Rx. Aquæ Matris Nitri, quantum vis.

Vaporet ad siccitatem. Materiam superstitem calcina, & in pulverem redactam multoties ablue aqua tepida, usquedum penitus insipida evaserit. Tum sicca & serva.

Aurum fulminans.

Rx. Auri limati, drachmam unam.

Mitte in matratium. Affunde

Aquæ Regiæ recens factæ, semi unciam.

Pone in arena. Ebullitione peracta dissolutionem decanta. Si quid Auri supersit, quod non sit solum, affunde Aquæ Regiæ, quantitatem sufficientem ad absolvendam dissolutionem. Solutionibus mixtis decuplum aquæ calentis adjiciatur; dein instilla guttatim

Olei Tartari per deliquium, quantitatem sufficientem.

Fiet effervescencia cum præcipitatione. Sinasresidere liquorem, & effunde per inclinationem. Pulverem in fundo præcipitem aqua tepida ablue, donec insipida evaserit, & exsicca.

Terra dulcis vitrioli.

Rx. Colcotharis, quantum volueris.

Infunde per aliquot horas in

Aquæ calentis, sufficienti quantitate.

Leviter bulliat, quiescat, & decanta. Alteram
aquam superaffunde, bulliat ut supra. Decanta. Id-
que repete, donec aqua insipida evaserit. Materia
superstes exsiccata nuncupatur TERRA DULCIS
VITRIOLI.

Magnes arsenicalis.

Rx. Antimonii Hungarici
Sulphuris flavi,
Arsenici crystallini pulveratorum, } ana uncias
duas.

Mixta omnia cucurbitula vitrea excipiantur, igne-
que arenæ moderato in magnesiā colliguescant,
quæ refrigerata fervetur.

Aerugo, sive viride Aeris.

Rx. Laminas Cupri, quot volueris.

Stratum super stratum cum vinaceis stent donec
Aerugine efflorescant, quam absterge & serva.

V I T R A.

Vitrum antimonii.

Rx. Antimonii pulverati, libram unam.

In olla fictili non vitrata calcina igne leni in cine-
reum pulverem, spatha indefinenter movendo.
Hunc pulverem mitte in crucibulum, & igne fol-
lium colligua. Fusam materiam supra patinam
æneam effunde. Concreset in vitrum Hyacinthi-
num, si bene successerit operatio.